

MEMORANDUM O SARADNJI

Zaključen između:

1. Ekonomskog fakulteta Univerziteta u Zenici,
Fakultetska bb, 72 000 Zenica, BiH, koga zastupa dekan prof. dr. sc. Alaudin Brkić

i

2. Konkurencijskog vijeća Bosne i Hercegovine,
Dubrovačka 6, Sarajevo, koga zastupa predsjednik dr. sc. Amir Karalić

I

Ovaj Memorandum o saradnji potpisuje se sa namjenom stvaranja uslova za saradnju u primjerima i oblastima od zajedničkog interesa koji se tiče zaštite i promocije tržišne konkurencije. Cilj ovog memoranduma je stvaranje i uspostavljanje saradnje između dvije strane potpisnice, kojom su predviđena razmjena znanja i zajedničkih aktivnosti u naučnim i stručnim oblastima.

Saradnja između dvije strane će se odvijati u skladu sa zakonskim propisima, te opštim i internim aktima potpisnica ovog memoranduma i na osnovu potpisanih ugovora za pojedinačni projekat.

II

Ovim memorandumom planiraju se sljedeći oblici saradnje u području primjene ekonomskih nauka i prakse tržišne konkurencije:

- sudjelovanje u izradi naučno-istraživačkih projekata i predstavljanje njihovih rezultata,
- organizacija i učešće na domaćim i međunarodnim naučnim i stručnim konferencijama,
- izrada i realizacija projekata edukativnih programa namjenjenih poslovnom sektoru,
- saradnja s drugim institucijama i organizacijama u projektima koje strane potpisnice sporazumno ocijene da su od obostranog interesa,
- razmjena iskustava iz oblasti ekonomskih nauka i prakse tržišne konkurencije te uspostavljanje baza podataka, izuzev podataka koji se smatraju poslovnom tajnom u smislu člana 38. Zakona o konkurenciji,

- obrazovanje studenata u oblasti tržišne konkurencije kroz aktivnu saradnju studenata, nastavnika i članova Konkurencijskog vijeća BiH,
- zajedničko održavanje obrazovnih aktivnosti (za predmete na studiju, seminari, ljetna praksa studenata itd.)
- zajedničke aktivnosti na promovisanju tržišne konkurencije,
- međubibliotečka razmjena,
- drugi oblici saradnje koji su od zajedničkog interesa.

III

Ovaj memorandum je zaključen na period od 3 (tri) godine, sa mogućnošću njegovog produženja.

IV

Memorandum je sačinjen u četiri (4) istovjetna primjerka, s tim da svaka strana zadržava po dva primjerka.

UNIVERZITET U ZENICI
EKONOMSKI FAKULTET
DEKAN

Alaudin Brkić

Prof. dr. sc. Alaudin Brkić

Broj: 06-100-811-76/22

KONKURENCIJSKO VIJEĆE
BOSNA I HERCEGOVINE
PREDSJEDNIK

Amir Karalić

Dr. sc. Amir Karalić

Broj: 01-26-9-11-1/22

Zenica, 19.01.2022. godine